

CAPITULA SIUE CONSTITUTIONES ECCLESIASTICAE PER...

Church of England



ab Episcopo cuius Diocœsanus existit, attulerit, & vicelimum quartum ætatis suæ annū iam compleuerit, ac etiam in altera dictarum Academicarum gradum aliquem scholasticū susceperit: Vel saltem nisi rationem fidei suæ iuxta Articulos illos Religionis in Synodo Episcoporum & Cleri approbatos Latino sermone reddere possit, adeò vt sacrarum literarum testimonia, quibus eorundem articulorum veritas innitur, recitare etiam valeat: Ac vterius, de vita sua laudabili, & morum integritate literas testimoniales sub Sigillo vel alicuius Collegij Cantabrigiensis aut Oxoniensis, vbi antea moram fecerit, vel alicuius Iusticiarij ad pacem Dominæ Reginæ conseruandam assignati, vnâ cum subscriptione & testimonio aliorum proborum & fide dignorum hominum eiusdem parœciæ, vbi per tres annos ante proximè elapsos commoratus est, exhibeat. Vtq; hi sacri ordines diebus tantummodo Dominicis, ac festiuis, idq; publicè ac tempestiuè in ecclesia vbi Episcopus moram traxerit, conferantur: Prouiso semper, vt vtriusque Academicæ Collegiorum Socij, qui suorum Collegiorum statutis ad sacros ordines intra certum tempus suscipiendos tenentur, hoc decreto (quantum ad ætatem attinet) non obligentur. Quod si vero aliquis Episcopus aliquem ad sacros ordines admiserit, qui prædictis qualitatibus non sit præditus, is per Archiepiscopum, assidente sibi hac in parte vno alio Episcopo, ab ordinatione Ministrorum & Diaconorum per integrum biennium suspendatur, ac

cam.

eam prætereà poenam incurrat, quæ de Iure in eiusmodi Episcopos qui ad ordines Ecclesiasticos sine titulo aliquem promouebunt, statuitur.

Adhæc, ne quis Episcopus aliquem in beneficium (vti vocant) instituat, nisi qui prædictis conditionibus ornatus fuerit.

Si verò Curia de Archibus aut Audientiæ per viam duplicis querelæ, seu alio quouis modo contra Episcopum hac in parte agat, quia homines minimè idoneos ac habiles admittere renuit: tunc licebit Archiepiscopo, vel authoritate propria vel gratia speciali a regia Maiestate impetrata, eiusmodi processus amputare, quò laudabilis Episcopi industria debitum ea ratione sortiatur effectum.

Denique, vt quolibet anno ad festum Sancti Michaelis Archangeli, vel intra sex hebdomadas idem festum sublequentes, vnusquisque Episcopus numerū, nomina, gradus & qualitates eorum omnium, quos in sacros ordines, vel in aliqua Beneficia eodem anno præcedente promouerit, ad Archiepiscopum transmittat.

De Beneficiorum pluralitate cohibenda.

QUòd nemini in posterum facultas siue indulgentia concedetur de pluribus beneficijs simul retinendis, nisi huiusmodi tantum, qui pro eruditione sua & maximè digni, & ad officium suum plenius præstandum maximè habiles & idonei censentur: Nimirum, vt is qui huiusmodi facul-

rate fruiturus est, sit ad minimum artium magister,
& publicus ac idoneus verbi diuini Concionator:
Ita tamen vt idonea etiam cautione obstrictus te-
neatur, de personali sua residentia in singulis Bene-
ficijs per bonam anni cuiusque partem facienda, &
quòd eiusmodi Beneficia triginta milliarium spatio
ad summum non distent abinuicem. Deniq; quod
idoneum Curatum habeat, qui plebem eius Parœ-
ciæ in qua non residebit, instituat ac informet, mo-
dò facultates eiusdem Beneficij talem commodè
sustinere posse Archiepiscopo, vel eius Diocœseos
Episcopo videbuntur.

*Vt Beneficiati in suis Beneficijs Curatis hospita-
litate exerceant.*

QVoniam ecclesiarum Cathedralium Canonici
siue Præbendarij ecclesiastica beneficia curata
alibi sæpius possident, & tamen prætendentes se ra-
tione Præbendarum suarum a residentia in Curatis
Beneficijs liberos & immunes, ad Cathedrales
conuolant, ibiq; moram faciunt longiorem: Vnde
nec curæ parochianorum illis commissæ satis pro-
spicitur, nec pauperes domi suæ (sicuri difficultas
huius temporis exigit) aluntur atque sustentantur:
Idcirco nos huic malo prouidere desiderantes, de-
cernendū censemus, vt omnes & singuli Canonici
siue Præbendarij qui beneficia curata vnū siue duo
obtinēt (nec Residentiarij necessarij in suis ecclesijs
Cathedralibus existūt) vltra tempus quo in Cathe-
dralibus

dralibus residere tenentur, a Beneficijs suis Curatis prætextu præbendarum se non absentent: Et si aliqui eorum, qui ad necessariam residentiam in Ecclesijs Cathedralibus non tenentur, vltra tempus vnus mensis aliquo anno, in Ecclesia illa Cathedrali moram traxerint, eos arctari volumus ad familiam in Beneficio suo Curato (non obstante mora in Cathedrali) alendam, & Hospitalitatem exercendam, toto reliquo tempore quo a Curato abfuerint. Quod autem ad eos attinet, qui ad residentiam in ecclesijs Cathedralibus faciendam, per ordinationes illius Ecclesiæ obligantur, & communis diuidentiae participes sunt, eos ita inter se anni tēpora partiiri volumus quoad residentiam in Cathedralibus habendam, vt eorum aliqui in Ecclesijs illis semper adsint, & personaliter resideant. Ac quò hæc omnia melius peragantur, Episcopi, vel alij ad quos per ecclesiæ statuta vel ordinationes pertinet, in suis respectiuè Ecclesijs diligenter prouidebunt.

Vt Decani & Canonici in Ecclesijs Cathedralibus suis vicibus conciones habeant.

CVM Beneficium propter Officium conferri debeat, æquum existimamus, vt ecclesiarum Cathedralium Decani & Canonici omnes & singuli, qui in sacris ordinibus sunt constituti, & ad Conciones habendas in Ecclesijs suis Cathedralibus, de Iure, Statutis, Ordinationibus, aut laudabili
B consuetudine

conuetudine illius Ecclesiæ tenentur, in personis
suis proprijs eas præstent, nec vicaria in ea re opera
vtantur, nisi ex causa ægritudinis, aut alia legitima
impediti, Concanonicum suum, vel alium in Theo-
logia eruditum ac ad concionandum autoritate
sufficienti approbatum sua vice substituant. Quòd
si qui huiusmodi Decani aut Canonici officium ea
in re neglexerint, per Episcopum vel eos ad
quos iurisdicção pertinet, quoad se debite correxe-
rint, suspendantur.

*De moderandis indulgentijs pro celebratione ma-
trimonij absq; trina bannorum denunciatione.*

QVandoquidem honestæ, claræ, ac illustris con-
ditionis homines, siue vrgente aliqua necessi-
tate, siue alijs non contemnendis rationibus, matri-
monium aliquando celebrandi causas habere pos-
sunt, facultate sibi de Bannis matrimonialibus aut
non omninò, aut semel iterúmve denunciandis in-
dulta, sine aliquo graui scandalo seu detrimento:
Idcirco ad euitanda generaliter quæ hac in parte
notantur incommoda, visum est cauere ne vllæ fa-
cultates siue Indulgentiæ de celebrando absque
bannis matrimonio concedantur, nisi idonea cau-
tio prius sub hisce conditionibus ineatur: nimirum,
primò quòd nullum postea constabit impedimen-
tum præcontractus, consanguinitatis, affinitatis, vel
vllius alterius legitimæ causæ cuiuscunq; ratione.

z. Secundò, quòd eo tempore quo eiusmodi facul-

ras siue indulgentia concedetur, nulla controuersia,
lis seu querela mora est, vel dependet coram aliquo
Iudice ecclesiastico aut ciuili, de eiusmodi legiti-
mo impedimento matrimonij inter huiusmodi
personas contrahendi aut contracti : Ac tertio, 3
quòd ad nuptiarum solemnizationem non acce-
dent, nisi assensu & expresso consensu parentum si-
ue tutorum priùs impetrato : Et vltèriùs quòd ma-
trimonij celebratio publicè ac tempestiuè in fa-
cie ecclesiæ fiet. Cuius quidem cautionis formula
seu exemplar in scriptis concipietur, ac vnicuique
Episcopo in sua cuiusque Diocœsi imitanda pro-
ponetur.

Prætèrèa adiiciendum putamus, ne cuiquam lice-
at Episcopalem dignitatem non obtinenti (Com-
missario ad facultates, ac Vicarijs generalibus Ar-
chiepiscopi & Episcoporum, sede plena : & sede
vacante Custodibus Spiritualitatis ac Ordinarijs,
Episcopalem iurisdictionem de iure exercentibus,
in suis iurisdictionibus respectiuè exceptis) licen-
tiam celebrandi matrimonia sine bannis concede-
re: Ea verò duntaxat per se, ac sub manuum suarum
subscriptione, non per Deputatos aut Surrogatos
suos, nec alijs quam suæ iurisdictioni subditis con-
cedatur. Nulli autem cuiuscunque sexus, dignita-
tis aut ordinis (in parentum seu gubernatorum cu-
ra & regimine existenti) concedatur, nisi priùs
constiterit de expresso consensu parentum vel gu-
bernatorum suorum (si fortè parentes excefferint e-
vita) idque parentum significatione, aut governa-

torum Iudici personaliter facta : vel Chirographis
ipforum , quibus fidem habendam esse non puta-
mus, nisi per nuncios honestæ conditionis & sane
illesæ mittantur , qui fidem faciant se de parentum
aut gubernatorum manu Chirographa huiusmodi
recepisse veris nominibus ac cognominibus per
huiusmodi nuncios designandorum : Cuius Chi-
rographi exhibitionis, ac Iuramenti per nuncium
præstiti actum conscribi volumus. Nec verò alijs
concedantur huiusmodi indulgentiæ, quam illustres
& claræ conditionis hominibus, nisi vrgens necessi-
tas intercesserit, eaque Iudici cognita fuerit.

Præterea in ipso dispensationis siue Licentiæ
tenore, Ecclesia habitationis siue commorationis
alterius contrahentium, vel parentum & guberna-
torum suorum exprimatur, & tempus diei etiam
congruum, nempe inter horas octauam & duode-
cimam ante meridiem assignetur.

Nec sine indulgentia a competente Iudice con-
cessa, Minister aliquis matrimonium celebret, nisi
trina bannorum denunciatione (per legitima in-
terualla) interueniente, sub pœna constitutionibus
Prouinciabilibus præscripta.

Prout si semper, quod quicumque contra hanc
ordinationem deliquerit, ab executione officij per
superiorem per sex integros menses suspendetur ;
& licentia huiusmodi viribus carebit, & pro nulla
quoad pœnam personis clandestinas nuptias cele-
brantibus imponendam habebitur.

De

ET quia matrimoniales causæ, inter maiores hucusque semper habitæ fuerunt : Idcirco cum de matrimonijs in Iudicijs disceptatur, cautiùs agi oportet, præsertim verò cum matrimonium in Ecclesia solemnizatum, prætextu aliquo separari, vel nullum pronuciari postuletur, æquum igitur visum est.

Primum vt in huiusmodi diuortiorum & nullitatis matrimonij processibus, deliberatè procedatur, ac quantum fieri poterit, rei veritas, testium depositionibus, alijsq; probationibus legitimis eruatur, nec partium confessioni (quæ in hijs causis sæpè fallax est) temerè confidatur.

Tum vt nullæ posthac sententię vel separationis a thoro & mensa, vel nullitatis matrimonij ferantur, nisi publicè, ac pro tribunali, & de scientia & consensu vel Archiepiscopi, infra Prouinciā suā, vel Episcopi infra propriā diocēsim, Decani de Archibus, Iudicis Audientiæ Cantuariensis, aut Vicariorum generalium, aliorumue Officialium principalium, vel sede vacante Custodum spiritualitatis, aut aliorum Ordinariorum, quibus de Iure competit in suis respectiue Iurisdictionibus ac Curijs, atq; inter suæ iurisdictionis subditos tantum, Deinde vt in Sententijs quando ad separationem Thori & mensæ tantum interponuntur, monitio & prohibitio fiat, vt a partibus ab inuicem segregatis castè viuatur, nec ad alias nuptias alterutra viuente con-

uoletur: Denique, quò postremum illud firmius obseruetur, sententia separationis non antea pronuntiabitur, quam qui eam postulauerint, cautionem fideiussoriam sufficientem interposuerint, se contra monitionem & prohibitionem nihil commissuros.

Iudex autem qui sententiam separationis seu diuortij tulerit, & præmissa omnia non præstiterit, per tres integros menses ab executione Officij sui per Diocesanum suum suspendetur: Et sententia separationis contra formam prædictam lata, pro nulla ad omnem Iuris effectum habebitur, ac si omnino lata non fuisset.

De excessibus circa excommunicationem reformatis.

Quia Excommunicationis usus in ecclesia perpetuæ legis vigorem iam obtinuit, atq; in omni iurisdictione ecclesiastica exercenda hucusq; retinetur, idè absq; grandi mutatione totius eiusce iurisdictionis & plurimarum huius regni legum innovari vel alterari nequit: Nihilominus ut Excommunicatio (quæ authoritatis ac disciplinæ ecclesiasticæ quasi nervus quidam, ac vinculum habenda est) ad pristinum suum usum, decus & dignitatem reducatur: Cautum est ut quotiescunq; censura ista in immediatam poenam cuiusvis notoriæ hæreseos, schismatis, symoniæ, periurij, usuræ, incestus, adulterij, seu grauioris alicuius criminis venerit infligenda, sententia ipsa vel per Archiepiscopum, Episcopum,

pum, Decanum, Archidiaconum vel Præbendarium (modò sacris ordinibus & ecclesiastica iurisdictione præditus fuerit) in propria persona pronuntiabitur, vna cum eiusmodi frequentia & assistentia quæ ad maiorem rei auctoritatem conciliandam conducere videbitur.

Denique quod vnusquisque Vicarius generalis, Officialis, seu Cômmissarius, qui ordines ecclesiasticos non susceperit, eruditû aliquem præbyterum sibi accerset & associabit, qui sufficienti auctoritate vel ab ipso Episcopo in iurisdictione sua, vel ab Archidiacono (præbytero existente) in iurisdictione sua munitus, idq; ex præscripto ipsius Iudicis tunc præsentis excommunicationis sententiam pro contumacia denunciabit.

Volumus etiam, vt sicut constitutum est, eiusmodi excommunicationem per Ministrum ecclesiæ denunciari, ita ipse Iudex de absolutione ipsius rei post satisfactionem suam peractam, eundem Ministrum certiozem faciet, qui eandem absolutionem populo publicè denunciabit: ac interim quod benè licebit, dicto ministro reum a sacris arcere & repellere, tanquam in Ecclesiam minimè recipiendum, donec eiusmodi certificatorium ab ipso Iudice exhibuerit.

De Recusantibus, & alijs excommunicatis publicè denunciandis.

CVrent Ordinarij locorum, vt tam excommunicati ex eo quod diuinis præcibus infra hoc regnum

num Angliæ publica authoritate stabilitis interesse pertinaciter recusauerint, quàm ij etiam qui propter aliam quamcunque causam legitimam excommunicationis sententia innodati fuerint, nisi infra tres continuos menses post latam excommunicationis sententiam se emedauerint, & absolutionis beneficium obtinuerint, singulis sex mensibus sequentibus, in ecclesia cum parochiali, tum etiam Cathedrali Diocœsis in qua habitant, pro excommunicatis publicè denuncientur. Teneantur etiam Ordinarij prædicti de præmissis omnibus & singulis quolibet anno infra Festa Sancti Michaelis & Natalis Dómini, Archiepiscopum huius Prouinciæ in scriptis certiorum facere.

De moderanda solennis pœnitentiæ commutatione.

NE qua fiat posthac solennis pœnitentiæ cõmutatio, nisi rarioribus grauioribúque de causis, atque adeo cum ipsi Episcopo constiterit, eam esse ad reum reconciliandum & reformandum saniorum & tutiorem rationem.

Deinde quod mulcta illa pecuniaria vel releuamen pauperum eiusdem paroeciæ, vel in alios pios usus erogetur, idque ecclesiæ solenniter & fideliter approbetur, & innotescat.

Quod si verò crimen fuerit notorium, ac publicum, Reus ipse vel in propria sua persona publicè in Ecclesia pœnitentiam suam minimè fictam profitendo,

tēdo, locū ecclesiæ satisfaciēt, vel ecclesię minister
in præsentia ipsius rei, palam e suggestu eius sub-
missionem, & poenitentiaē suā coram Ordinario
suo peractionem, atque etiam in verā suā resipis-
centiaē Testimonium, quantam pecuniarum sum-
mam in vsus supradictos erogandam reddiderit,
denunciabit.

Quicumq; verò absq; Episcopi Diocesani notitia
poenitentiam commutauerit, aut pecuniam ratione
commutationis huiusmodi solutam in alios vsus
quam supra est expressum conuerterit, vel aliter
præsentem hanc constitutionem violauerit: Is ab
executione Officij sui per eundem Diocesenum
per tres integros menses suspendetur.

*De feodis quæ Officiarijs ecclesiasticis & eorum
ministris debentur.*

CAutum insuper volumus, quòd neq; alia, neq;
maiora feoda ab Episcopo, Ordinario, Archi-
diacono, vel eorum ministris deinceps vlla de causa
percipiantur, quàm ea, quæ ineunte hoc regnum
regia nunc Maiestate percipi solebant: Quodque
tabula quardam singulorum huiusmodi feodorum
summas continens, in quolibet Consistorio ante
Festum Sancti Iohannis Baptistæ proximè ventu-
rum figatur, cuius exemplar manu ipsius Ordinarij
subsignatum intra tempus prædictum ad Archie-
piscopum transmittetur.

Iam verò quia dubium esse potest, quānam certa
Cfeoda

feoda pro singulis negotijs expediendis, in singulis
respectiue foris ecclesiasticis quadraginta abhinc
annis percipiebantur, nisi quæ vsus frequentior suc-
cedentibus ab eo tempore annis monstrauerit, atq;
approbauerit : Ideò decernendum putamus vt ci-
tra vltimum diem mensis Maij proximè sequentem,
Episcopus quilibet, vel sede aliqua Episcopali va-
cante, Custos spiritualitatis ibidem curet, tabulam
manu Ius dicentis eiusque registrarij subscriptam
publicè figi, vel in loco quolibet vbi Ius ab illo di-
cetur, vel aliàs publicè in eiusdem iurisdictionis
Archiuo, ita vt quiuis eiusdem tabulæ inspiciendæ
facultatem habeat : Quæ quidem tabula in se con-
tinebit separatas summas singulorum feodorum,
quæ tam a Iudice, quàm a singulis alijs Officiarijs ac
ministris eiusdem Curie frequentius ac vsitatius
ab initio regni dictæ Serenissimæ Reginæ vsque ad
decimum octauum Maiestatis suæ annum percipi
consueverunt : Curabit præterea quilibet Episco-
pus, vel sede vacante Custos spiritualitatis, vt quili-
bet Iudex huiusmodi citra vltimum diem præfati
mensis Maij Episcopo suo, vel Custodi spiritualita-
tis fidele & auctenticum exemplar tabulæ feodo-
rum præmissorum in Archiuo Episcopi custodiend-
um tradat : Qui verò contra fecerit, is ab executi-
one officij sui per Ordinarium suum immediatè
superiorem eò vsque suspendetur, donec præmissa
modo & forma superius specificatis perfecerit.

Quorum omnium exemplarium, singuli Episcopi
Prouinciæ Cantuariensis vel Custodes spirituali-
tatis,

tatis, fidele & authenticum Instrumentum in pergameno conscriptum, ad Archiepiscopum citra ultimum diem mēsis Octobris proximè futurum transmittent.

Pœna verò cuiusque Officiarij, ac Ministri maiora seoda quàm quę in huiusmodi tabulis respectiue exprimentur percipientis, suspensio erit per sex menses ab executione officij sui per Ordinarium suum infligenda, vel Ordinario negligente aut id facere omittente, per Archiepiscopum, qui alium delinquentis loco interim deputabit.

Prouiso semper, quòd si alicubi dubium fuerit quæ seoda vsq; ad prædictum decimum octauum regię Maiestatis annum vsitatissimè percepta fuerint: Tùm ea seoda pro legitimis habebuntur quæ per Archiepiscopum Cantuariensem sub manus suæ subscriptione approbabitur: nisi statuta huius regni Anglię iam antea ædita, alia in quocunq; casu seoda expresse præstituerint.

Prouiso insuper, quòd neq; Archiepiscopo neq; Episcopo, vel directè, vel indirectè aliquā pecuniarum summam pro admittendis ad sacros ordines hominibus accipere licebit, idque sub pœna Iuris.

De excessibus Apparitorum reformandis.

PRætereà quoniam excessibus & grauaminibus quæ per Apparitores inferri dicuntur, remedium cupimus adhibere opportunū, videtur vt Apparitorum multitudo, quantum fieri poterit, restringatur.

stringatur; Non igitur licebit Episcopis vel Archidiaconis, eorumue Vicarijs seu Officialibus, alijsq; inferioribus Ordinarijs deputare & habere plures Apparitores, iurisdictionibus suis respectiue inferuientes, quam ante viginti annos præteritos, vel ipsi vel prædecessores sui habere consueuerunt, qui omnes per se suum fideliter exequantur officium, Nec per nuncios aut substitutos quocunq; quæsito colore, sua vice mandatorum executiones demandent, aut permittant, nisi ex causa ab ordinario illius loci prius cognita & approbata: Tum vt promotorum Officij, vel denunciatorum personas omninò non sustineant, feoda ampliora vel maiora, quàm quæ hijs constitutionibus, superius statuuntur, non exigant.

Quòd si plures quam superius est expressum deputati, vel illorum aliqui præmissa violauerint, deputantes si Episcopi existant, moniti per superiorem supernumerarios dimittant. Inferiores verò Episcopis Ordinarij, ab executione Officij suspendantur, donec huiusmodi deputatos amouerint, deputati autem ipsi ab Apparitorum Officio moueantur perpetuò: Et si amoti non desistant, tanquàm contumaces Canonicis censuris coerceantur.

Præterea in causis Officij & correctionis ne quæ fiant Citationes generales (quæ vulgò *Quorum nomina* dicuntur) nisi partes citandæ veris nominibus expressis per registrarium in ipsa schedula citationi annexa, & sigillo munita scribantur: eademq; schedula ius dicentis manu subscribatur,
sub

sub poena coertionis ecclesiasticæ per Diocœsanum delinquenti infligenda.

De Registris in Ecclesijs saluæ Custodiæ committendis.

ET quia Registrar in ecclesijs (quorum permagnus usus est) fideliter volumus custodiri: Primum statuendum putamus, vt in singulis visitationibus admoneantur ministri, & œconomi ecclesiarum de Iniunctionibus regijs ea in re diligentius obseruandis.

Deinde vt libri ad hunc usum destinati, quò tutius reseruari & ad posteritatis memoriam propagari possint, ex pergameno sumptibus parochianorum in posterum conficiantur: Iisque non modò ex veteribus libris cartaceis transumpta nomina eorum, qui regnante serenissima Domina nostra *Elizabetha*, aut baptismatis aqua abluti, aut matrimonio copulati, aut ecclesiasticæ sepulturæ Beneficio affecti sint, suo ordine sumptibus parochianorum inscribantur: Sed eorum etiam, qui in posterum baptizati, vel matrimonio coniuncti aut sepulti fuerint.

Ac ne quid vel dolo commissum, vel omissum negligenter redarguatur, Quæ per singulas hebdomadas in hisce libris inscripta nomina fuerint, ea singulis diebus Dominicis post preces matutinas aut vespertinas finitas, aperte ac distinctè per ministrum legantur, die ac mense quibus singula gesta

sunt sigillatim adiectis.

Postquam autem paginam aliquam integram multorum nominum inscriptio compleuerit, tum ministri, tum Gardianorum ipsius parochiæ subscriptionibus volumus eam communiri.

Idemque in transumptis ex veteribus libris cartaceis, paginis singulis fieri, sed diligenti, ac fideliprius habita collatione: neque verò in vniuscuiusquam custodia librum illum, sed in Cista publica, eaque trifariam obserata reseruandum putamus, ita vt neque sine ministro Gardiani, nec sine vtrisque gardianis minister quicquam possit innouare.

Postremum est, vt exemplar quotannis cuiusq; anni auctæ nominum inscriptionis ad Episcopi Diocesani registrum per Gardianos infra mensem post Festum Paschatis transmittatur, & sine feodo vlllo recipiatur, atq; in Archiuis Episcopi fideliter custodiatur.

Quicumque verò in præmissis eorumue aliquo deliquerit, is vt delicti qualitas Iusque postulauerit puniatur.

QVæ omnia Capitula siue Constitutiones, omniaque & singula in eisdem contenta, Regia Maiestas per suas Literas Patentes gerentes dat. apud Westmonasterium decimo octauo die Ianuarij, anno regni sui quadragesimo, ratificauit, confirmauit ac stabiliuit, ipsaque ab omnibus regni sui subditis vtriusq; Prouinciæ, Cantuariensis & Eboracensis,

racensis, quatenus eorum aliquem concernunt, diligenter exequenda, ac observanda autoritate sua regia proposuit, promulgavit, & per easdem Literas Patentes sic per eos observari præcepit, iniunxit & mandavit, prout in eisdem literis Patentibus, Sigillo magno Angliæ sigillatis plenius liquet & apparet.



